

Даргала «Ас-саламла» 200-эси номер дурабухъун

Гъар деза Аллагълис ﷻ диаб, Сунела Хіябиб, Мухъяммадличир дазу агарти салат-салам дааб. Аллагълис ﷻ шукрувиклес умсхлемсусра нуша бусурман динличир аклахънилис, Сунела чебяхіси дин тинтибирнилисра сабаб дарнилис.

АхІерти динла узбира-рузбира, хІурматла дучІанти, гъанахІели хІушани някъла буцибси номер 200-эси даргала «Ас-саламла» номер саб. Ил анцібукъли иргъа-хъули саби даргала ас-салам 10 дусличи гъамли бузули биъни, 10 дусличи гъамли дин тинтибирнила хІянчи барни. Ихгъуна анцібукъли нушала хІянчилизибси гъира гъатиралра имціабирули саби, дузахъес иштахІ лябкъяхъули саби.

Бикибси замана камси ахІен, заманара тІашаэс вируси агара, адамти биалли барсбикІули саби. Иш газатла хІянчизартира бахъал барсбиуб, амма гъарилла ца къас сабри – ца биалра адамлизи Аллагъла ﷻ дин аргъахъни, ца биалра адам

бархъси гъуйчи кайзахъни. Аллагълизира дулгуллира гъарилла, гъарил хІянчи, халисли Сай багъандан бетаахъес, декІарси къас гъудурхебиубли.

АхІерти динла узби-рузби, хІурматла дучІанти, лебил ас-саламла редакцияла уличибадди дазу агарси баракаллагъ багъахъес дигуллира, хІушани нушала газат бучІнилис, хІуша нушаб кумекдикІнилис, кабикибси хатІаличир хІуша гъимхІедуркІнилис, марлира инсан хатІахІейкили кавлуси ахІен.

Аллагълизира ﷻ улгуллира Къиямала бархІилизир, нушара, хІушара Пяршла дяхІцілар цаладяхънилис ва Алжунтази хъурадарилис! Амин.

Аллагълис ﷻ шукрувикІула нуша бусурмантани дарнилис, нушара Идбагла ﷻ дягІватлис геларад дашахънилис.



Дила шайзибаддира, лебил Дагъиста бусурмантала умматла шайзибаддира урки-уркІилабадди мубарак бирула лебил ас-саламла

хІянчизарти, цаэси номерличибад бехІбихъили ишбархІиличи бикайчи бузуги.

ДекІарабарес дигула газат лукІантала ва цалабирхъантала хІянчи, статьяби лукІанти, газат гъалабяхІ башнилис ва пайдала бетаънилис бузанти.

Ил къя й дали баракаллагъ багъахъес дигула газат тинтибирантас. Илди адамти дугели я хІерели хІеили, бугІяли я ванали хІеили, гушли я бяргІили хІеили газат ца биалра адамличи баахъес дурабухъес хІядурли саби, дурабулхъулира саби.

ХІушани багъирая, хІушала хІянчи, газат бирантала биаб, ил тинтибирантала биаб, Аллагъла ﷻ гъуйчибси хІянчи саби, Аллагъла ﷻ дин

тинтибирнила хІянчи саби, иличибра дурхъаси гъатли силра лебси ахІен.

Аллагъла Расулра ﷺ викІули сай: «Набчибадди ца аяталра баахъая!» Ца аяталра, ца хІядисалра, дягІватла ца гъайгъалра итиличи баахъни гъарил бусурман адамличибси чебла саби. Илбагъандан нушани къайгъи барес хІяжатбиркур дирусигъуна къайгъи барес Аллагъла ﷻ дин тинтибирнилизиб.

Нунира чІумали бурес вирус: хІушани ит хъарбаркъ бируллирая. Ас-салам дебали гІяхІси газат саби, наб их дебали дигахъисра, бучІулира вирусра, гъарил бусурман адамли бучІулира дигула.

Гъарил, газатлис кумек бируси, ил тинтибируси, илизизиб сегъуналра бутІакъяндеш дируси Аллагъли ﷻ дунгъалара ахиратлара мурадуначи ваахъаб, сунелара, сунес дигантала-ларерил бунагъуни умудараб, арадеш, разидеш габ! Амин.

Дагъиста муфтий
АхІмад хІяжи Абдулаев

ДУРХЪАТИ БУЗРИ

«Илди бузразиб хІушала чархличи зулму мабиридая!»

АхІерти узби ва рузби, дурхъати хІяббузри – Ражаб, ШягІбан ва Рамазан дехІдирхъниличил бархбасахъи, хІуша мубаракдирулрая! Аллагълис ﷻ деза биаб, Жумадул-ахир базлис гелабад нушаб Ражаб баз савгъатбарнилис. Дурхъати хІяббузразибад цаибил саби Ражаб баз (Ражаб, ШягІбан ва Рамазан). Илди бузразиб Аллагъли ﷻ гІяхІти баркъудлумас ва гІибадатлис лугуси ужра, чуйнара имціабарили лугуси саби ва урки-уркІилабад паиман биубтала бунагъуначивад чевурхуси Сай.



Иличибли бусурмантас Къиямала бархІи чула баркъудлумала умцантуни гІяхІдешунала шайчи декІдиахъес, дитІакІахъес имкан лябкъули саби. Ихцад халаси, Аллагъли ﷻ нушаб лугуси уркеціи пайдала хІебарни, хІисаблизи кахІесни, бусурман адамличи дебали балхІебикибси ва убяхІси гІякълуагардеш саби. Идбагла ﷻ хІядислизибра бурули саби: «Эгер бекІалис гъалаб ряхІятдеш,

талихІла ахир (Имманитлис бебкІа) ва шайтІанлизибад берцуди дигутани – илди бузрала хІурмат биреная, дубдурцули ва бунагъуначирад пашмандирули». Ражаб базла дурхъадеш саби – Ражаб базлизиб барибси гІяхІсиллис керира, барибси вайсиллис гІязабра чуйнали имціадируси саби. Ражаб баз дургъби-дявти къадагъадарибси баз саби.

СТР 3

ВиштІасилис сегъуна у бирхъусира?



СТР 2

Васият барес ахъри лебсини камсилра хІебарили камалаб!



СТР 5

Ибн Синала диета



СТР 3

БиштІати гъубзни



СТР 5

Виштасилис сегъуна у бирхъусира?

Гъарил адамла хъулив виштаси алкни халаси байрам саби, разидеш саби. Марлира Аллагъла Расул ﷺ виклули сай: «Хушаб алжанала тлем багъес дигадалли, сагали аклубти биштатазиб баргес дирудая». Биштатира Алжанала агълу саби, илди лебси хъулибра баракат бирар, бунагъ-хатла, мезгъай хедирар ибси леб. Сенахенну хъулибти лебил адамтала ит виштасилизиб биркъули, итала хасиятуначи гяшикъбиубли замана бурклути саби. Амма сенилра нушала Идбагла ﷺ хъарбаркъ хъасибли, биштатас бяркъ илди гардлаб лебалил бедлугес гягънили саб. Бегътачиб беглара гъалаб хъажатбиркур виштасилис жагаси, динла у бедес.

Хъядислизибра бурули саби: «Хушала биштатас жагати уми дедлугенная, марлира илди Къиямала бархли чулара, чула дудешхъалара умачибли жибирути саби».

Къиямала бархли цахси ула вегъ адам, сунела у бурибхъели халкъла урга дурхъес урузклули, сунела бегътас лягънувиклули вирар. Нушала динли лерил жагати, лерил гягъти секла тлаладирути сари, нушала динлизир жагати умира лер, илди нушала биштатас пайдаладарести.

Мурул адамла деглара жагатира, гягътира умази халдиру «Гябдуллагъ»,

«Гябдурахъман» ибти уми. Сенахенну илди умани, ула вегълизи мурталра тикрарбирхъу сай Аллагъла, уркецти чевсила лагъ виъни.

«Мухъаммад» - ибси ура деглара дурхъати умазибад-ли саби, сенахенну ил у, сай багъандан лерил аклахъубси, Аллагъис ﷺ веглара дигуси, нушала Идбагла ﷺ у саби. Ил у бихъибси виштасиличи, ил ула дурхъадеш багъандан Жагъанабла ца гъамхъебилкан или бурули саби. Амма сенилра ил ула декларти адабти лерти сари, ил ула вегъ виштаси хъули ухънаухъунхъели, ил ула хъурмат бирули дудешлис айзни лайкъси саб. Ил у се-

нилра къантбарили, яра барсбарили бурес асухъебирар. Ил ура сунела махраджличибли, «Мухъаммад» или бурес хъажатси саб. Илди адабти дихъес хъейрус или гъанбиркусини ил у хъебихъни имцъякъ маслигътибиру, илала мерлаб



«АхъИмад», яра «МахъИмуд» ва илдигъуна уми дихъес вирар, илдира Идбагла ﷺ уми сари.

Идбаглира ﷺ хъядисуназиб бурули саби: «Хушани хъушала аклубтас идбагунала уми дурхъенная».

Илдачи мешули, виштасилис дурхъати асхъябтала, дурхъати валиба-

ли, гялимтала, гябидунала уми дурхъес вирар.

Умазирадди лерти сари дихъес хъярамли детауртира, къадагъали детауртира. Аллагълис ﷺ цун лайкъси у чисалра бихъес асухъебирар. Чус лагъдеш дирули

декларухъес къйгъилизир вири.

Адамла багъа убяхъибуруси у бихъесра лайкъси ахъен, масала сегъуна биалра убяхъиси мицъирагла, яра убяхъиси секла, сенахенну инсан Аллагъли ﷺ дурхъаварибси сай, ил увяхъиваресра сенилра асухъебирар.

Мурул адамталаван хъунул адамталара лерти сари дурхъати, жагати уми.

Масала «Зайнаб» ибси у. Ил уличи нушала Идбагли ﷺ чумилра хъунул адамла у дарсдарибтири, сунела рурсилисра ил у бедибсири. Илкъяйдали дурхъаси у саби - «Фатъимат», «Гяишат», «Рукъият» ва илдигъунти. Сенахенну илди уми дихъибтири сунела рурсбас ва сунела хъунрас. «Аминат» - ибси ура дебали дурхъаси саби, ил у Идбагла ﷺ нешла у сабри.

Гъарил дудешла чебла саби сунела дурхъалис гягъиси, иман черси неш рагъни, жагаси у бедни, шаригъятла гъуни хъасибли виштлахъейчибадал бяркъ бедни. Илдала гъалаб чула хъекъ ахъехъехъели Къиямала бархилизиб илдани нуша гяйибла дирура.

Хъяла кафарат

Аллагъла ﷺ уличил яра Илала сегъуна-билра даража гъанбушили бедибси ахъи, цархил сегъуналра хъя гъарли-марсилизи халбируси ахъен.

Масала, «Мусни-зубрала Вегъличибли хъя бирулра, дила урки Сунела арилизи буцибсилчибли хъя бирулра». Илкъяйдали, хъя барес ихтияр леб Аллагъ ﷺ гъаниркахъути къиликъуни гъандушили: «Уркецъила Вегъличибли хъя бирулра, Хужаимличибли хъя бирулра». Хъя гъарли-марсилизи буйгуси саби Аллагъличиван ﷺ цархилтаци къядилкути лишанти ахъили барибсира, масала, «балуси», «мицъирси» ва цархилти, эгер илди Аллагъ ﷺ гъаниркахъули дурибти диалли. Аллагъла ﷺ ва Илала даража гъандушили ахъи, чи-биалра яра се-биалра, масала, Кягъба, Идбаг ﷺ, гъандикахъили хъя барес сенилра асухъебирар. Расулуллагъли ﷺ бурибси саби: «Мар-марли, Чевяхъисили хъушаб хъушала бегъти гъанбикахъили хъя бирахъес къадагъабирули саби. Бирусини Аллагъла ﷺ у гъанбикахъили цун хъя бараб, яра лехъикахъили

уаб» (Джамгъул-ахъадис 7352).

Эгер адами, сунесра гъанагарли, ихтиллатлизир хъяла дугъби дуралли, ил хъялизи халбируси ахъен. Сенкълун Чевяхъиси виклуси сай: «Аллагъли хъуша жавабличи дитгъейкълура къас-къасли хъебарибси хъя багъандан» (сура «аль-Бакара», аят 225).

Исламлизиб хъя барахъес маслигътибирули ахъен. Амма



хъя хъебарили гъамал бетхъерути анцъибукунира къаршидикур – Ватлайс мардешлис, селичи-биалра гягъидешличи гъирвируси, судличи бируси ва цархилти... Имам

аш-Шафигъи виклусири сунени гямурулизиб гъачамалра я хъекъси я къянала хъя барибси ахъен или.

Лерти авалра магъаблизиб къянала хъя хъярамсилизи халбируси саби. Ибн Хаджар аль-Хайтами, имам аз-Загъаби, имам ан-Навави ва илдигъунти машгъурти цархилти гялимтани фетва(хъукму) дурасиб, сунезибра къянала хъя халати(декъти) бунагъунала даража-бази кабурхуси саби или буруси.

Хъя се тяхъярли буаллира, халаси гякъла (каффарат) чебирхъуси саби. Хъя буунсилчиб вецъал мискин адамлис ца мудда (600 граммиличи цугси диштлати къяквала умцла) хъасибли илди мермусаличиб хъербирути адамтани имцъали пайдаладирути журала ризкъи дутлес, яра палтарлизибад себиалра (шалбар, хъева, кълана, цархилти...) дедес чебси саби. Ил барес имканагарсиличиб хъябал бархли дубуцес чебси саби. Хъябалра дуббуцари гъабгъергъили дуцахъес чеблибарибси ахъен.

Эгер чили-биалра се-биалра вегъличи чараагарли хъарси секла бархъбатес или, яра къадагъабиру-

си секла баресли, масала, держла бержес хъя баралли, ил барибси халаси бунагъилизи виркур ва ил хъя буунсилчиб халбируси саби, сенахенну илдигъунти баркъудлуми Шаригъятлизир сеннира хъярамдарибти сари. Эгер адамли гягъил чедиахъути, масала ратибатуни(чараагарти дехъбайс гъалар ва (яра) илдас гъергъи дирути ва сай гягъулати дехъбала) дарес яра хъейгеси тяхъярли (къантти дулгъубачил) дехъбала дарес хъя баралли, илгъуна хъя буъни гягъил саби. Эгер илини асубируси секла бархъбатес хъя барили виалли, ва ил сунечичун къячбилкули биалли, хъя хъебуъни гъалаб чебиули саби. Хъяли чис-биалра зарал лебхули биалли, масала илини сунела бегътачи, тухумтачи, юлдашуначи хъевкъес или хъя барили виалли, илгъуна хъя буэс гягъиниси саби. Сенкълун Идбагли ﷺ бурибси саби: «Селисбиалра хъя барили, илис гъергъи цархил секла гягъил чебаибсили, сунела хъя буи, буунси хъя багъандан каффарат бедаб» (Муслим 4360).

Аллагъли нуша нехъкълати ва къянала хъямазирад дерцахъаб! Амин.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Мухаммад ДАВУДОВ

Главный редактор

Азиз МИЧГИШЕВ

Редактор

Асхаб ДЖАРБАЕВ

Канонический редактор

Мухаммад ДАВУДОВ

Корректор

Асхаб ДЖАРБАЕВ

Дизайн, верстка

Мухаммад МУСАЕВ
Иса ОМАРОВ

Менеджер

Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ _____

Сдано в печать 1 апреля 2016 г. в 16:00

Тираж 3200 экз.

Адрес редакции

367027, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.

По вопросам подписки и доставки обращаться по телефонам: 914-222, 8-988-291-42-22.

e-mail: assalamweb@gmail.com; www.assalam.ru

«Илди бузразиб хлушала чархличи зулму мабиридая!»

1 « Ил базла у бетаурси саби «зулмурти дирнилизибад чарби-эс – сабур бирес» ибти дугъбазибад. Ишди авалра бузри къадагъадарибти бузри сари: Ражаб, Зуль-къағида, Зуль-хиджа, Мухйарам, сенахенну илди бузразир Аллагъли ☞ дургъби, ва илдигъунти цархилти секлал къадагъадарибти сари. «Ражаб» ибси девлизир хйабал хйарп сари (гйарабла алфавитлизир абхйибти хйурпри агарти сари): «р» - «ряхмат» ибси иргъахъуси (Аллагъла уркѐци); «дж» – джурмул-габди» (Аллагъла лугърала бунагъуни), «б» - «бируллагъи тағала» (Чевяхъси Аллагъла гйахъдеш), Аллагъ ☞ викѐли сай (мягъна): «Я Дила лугъри, Нуни хлушала бунагъуни Дила Уркѐцила ва Дила Гйахъдешла урга дебадаресли барира». Дахъал Гйахъдешуни дарес Гйахъси баз саби Ражаб баз. Аллагълира ☞ нушани чебиуливан, сахаватли Сунела уркѐци гъарилличи чебетиахъуси, дурхъаси баз саби. Ил багъандан нушаб чебиркур Аллагъли ☞ тйагъат бирнила къай-дурти, бусурман адамла Аллагъла ☞ гъаларти чеблуми гйахъил дяркъес, бусурман адамличи лайикъли гйамру деркъес. Ражаб баз дубурцини гйахъси саби. Лебил баз дубуцес хейрусини базла цаибил, вецѐну шураибил ва гйергъити бурхъназивалра дубуцури дучес къайгъи баралли, илис дебали халаси ужра биур. Хйадислизиб бурули саби: «Хъуммартидая, Ражаб – Ал-

лагъла баз саби, Ражаб базлизиб чили ца бархъи дуббуцалра, дурхъадешла вегъ Аллагъ ☞ иличив разили вирар. Ражаб базла цаибил хамис бархъира дубуцни дурхъаси саби. Цаибил жумягъ дугира гйабадатлизиб беркѐни дебали дурхъаси саби. Ил дугилис Лайлатул-Рагъаиб или биклар. Ражаб базла 27-ибил дуги тамашала гйаламатла анѐбукъ кабикибири – нушала Идбаг ☞ Аллагъли ☞ Гйаршличи а хъ у ц и б с и р и . Ражаб базла 27-эсил бархъира дубуцни дебали дурхъаси саби. Хйадислизиб бурули саби: «Аргъая, Ражаб баз Аллагъла баз саби. Ил базла цаибил дуги гйабадатлизиб беркѐибсила, сунела чарх бекѐибхѐллера уркѐи хѐбубклар, Аллагъли ☞ илала бекѐлизи гйахъдешуни керту ва сай нешли варкѐибхѐливан бунагъуназивад умувирар. Илхѐли ил адам, чучи Жагъаннаб хѐрти 70 азир бунагъкар адамлис шафагъятли виэс вирар».

Рагъаибла дуги

Ражаб базла цаибил жумягъ дуги Мухйаммад Идбагла ☞ бегъти хъайчи кабибтири, ил дугилис Рагъаибла дуги или биклар. «Рагъаиб» ибси девла мягъна гйараб мезличибад шурба-



талли – Аллагъ чевверхни, Сунела лугърачи Аллагъли ☞ халаси уркѐци бирни, балга-дугъла къабуддирни ибси саби. Ил дугилизир дигъанти дахъал гйахъдешуни лерти сари. Ил дуги гйабадатлизиб беркѐалли – дебали дурхъали ва пайдалачебли бирар. Рагъаибла дуги Аллагълизи ☞ вегъли дарибти бунагъуначивад чев-

верхахъес тиладивикѐли, калунти дехъбулта черихъули, садакъа бирули, балга-дугълизиб беркѐни дурхъаси саби. Рагъаибла дуги уркѐила мурад бетаахъес дирути дехъбалара лерти сари. Илди маркѐаѐила ва хъатила дехъбала ургабси замана дирути сари. Илди дехъбала 12 ракагъятла сари. Кикѐел ракагъятунала дирули, урегдехъ дехъбала диру. Лерилра дехъбултазир, гъарил алхъямлис гйергъи хйайна-хйайна «аль-Къадр» (97-эсил сура) ва вецѐну кйирайна къулгъура дучла. Вецѐну кйира ракагъятла дехъбала дарили тамандиубхѐли, 70-на иш балга бучла: «Аллагъумма салли гйала сайидина Мухйаммадин – набийил умийи ва гйала алигъи». Пур суждаличи кайкили 70-йна «Суббухъун, къуддусун, раббуль малаикати ва ррухъи» иру. Пур суждаличивад ахъиубли, къукъубачи кайили 70-йна «Раббигъфир вархъам ва тажаваз гйамма тагъяла иннака анталь – агъазул акрам». Пур суждаличи кайкили, гъалав суждаличи кайкибхѐлигъуна балга 70-на тикрарбиру. Пур кйиэсил суждалис гйергъи ахъиубли, сунела мурад се сабил тиладибирули, Аллагълизи ☞ балга биру. Иншааллагъ, ил балга Аллагъли ☞ къабулбиру.

Шел секлал, чула кери хйажлайчи абиркуси!

Хйажлайчи кери абиркуси саб или ибхѐли бахъли иргъу их баралли хйажлизира хйавкъи гйамал бируси саб или. Ил халаси хатла саби, ихтани хйажла мер бурцуси ахѐн, амма Аллагъли ☞ ихти камти баркъудлуми ихцад-ра дурхъадарили сари, ихти дарнилис хйаж барибсилис гъуна кери бедлугули, хйаж биалли маслара, арадешлара ахъри лебси адамличис чарагарси чебла саби.

1. Умуси къас

Къиямала бархъи адамлис сунела баркъудлуми делкѐунси кѐапѐи бедлуга. Илини илар хйажра, барибси мижитлара, бутѐибси садакъалара кери бургу. Ил тамашавиубли Аллагъличи ☞ дугъавилзан: «Я дила Аллагъ, нуни ишти хѐдарирагу, ишти сен делкѐунти иша?». Аллагъли ☞ илизи иру, Нуни баласра хйуни илди хѐдарни, амма хѐла умуси, Ну багъанданси къас лебри хѐла ахъри биалри хйаж барес, мижитуни дирес, мискинтас кумеквикѐс, илдас садакъа бедлугес. Нунира хѐд илди дарибтиван делкѐунра, илди дарибтала керера лугуллира.

2. Джамагъятла дехъбайчи укъес гъалар хъулир дазала дарни

Идбаг ☞ викѐли сай: «Хъулир дарили дазалара джамагъятла дехъбайчи чи укъяллира итис хйаж барибсигъуна кери биур».

3. Суннатла дехъбала

Идбаг ☞ викѐли сай: «Чи савлила дехъбайчи мижитла укъяллира, дехъбала дарили гйергъи бархъи ахъйабийчи зикрурта виркѐули калалли итис хйаж барибсигъуна кери биур, гйур кѐл

ракагъятла суннатла дехъбала дараллира итис гйумра барибсилагъуна кери лукла».

4. Гйилму касес яра цархилтази багъахъес мижитла вякъни

Идбаг ☞ виклар: «Гйилму касес яра цархилтази гйилму багъахъес мижитла вякъунсилис хйаж барибсилисгъуна кери лукла».

5. Бегъгала разидеш

Идбагла ☞ ца асхъаб Идбагличи ☞ вакѐили виклар: «Я Аллагъла Расул, наб Аллагъла ☞ гъуйчив узес дигуллира, амма вирули ахѐнра».



Идбагли ☞ илизи хъарбаиб илала бегъти лебал.

Илини иб неш лер или.

Илхѐли Идбаг ☞ виклар: «Секъяйдали вирадлира ил разирикахъес къайгъи бара, бирес вирусигъуна къулукъ бара илис. Марлира хѐд хйаж барибсилисгъуна кери лукла».

Аллагъ ﷻ багъандан бузуги

Наб гъачамалра гъанбиркули хѐбири ну мяштла адам сайра или, дила хъалибарглис секлал гйехърахѐбирисра гъачамалра, юлдашунала ургаб гйагънибикѐхѐли арц белгъасра. Динлизиб мурхъикили хѐйраси, черти дехъбала кахѐлахъес къайгъи бираси суннатла хѐдираслира, мижитла биалли рахли ахѐнси хѐшаси.

Мижитла мякълавад аркъяс-ли гъаман чебиули вирусра тѐакънира касили тѐашбизурти жагъил дурхъни, мижит-мадрасалис кумек тѐалабвирули. Мурт илди чебаасра гъанбирки ихти къянакарти саби, мижитунира, мадрасунира багъанадарили чус арц бурчути. Илдасра кумек барес гъачамалра гъуцѐхѐвхъунра.

Гйамрула мурталрагъунабси бархъи сабри, дугърумла аргъ сабри. Нуша юлдашуначил дарх ца къулукъли дурадухъири. Гъуйчир аркъули лералли дехъба замана баиб, цабехъгас дехъбала хѐдарили башес дигуллири, ца чумал иман чебтас дарес дигуллири, илдалара жал чедибикили, гъунила дублабси ца мижитла тѐашдизурра. Мижитла унзала гъалав жагъил адам леври тѐакъара сайра тѐашизурли, ил тѐакъализи белкѐири пулан шилизибси мадрасалис кумек тѐаладирни. Нуни ил чеваибмадан гъимидухъун, нуни илхѐли балули ахѐнри их

пикри шайтѐа хйанчи сабни. Мижитла аркъухѐли нушани илизи силра хѐира, чардиубли ляркъухѐли биалли илизи силра хѐили арукъес хѐйѐубра. Ну иличи гъамвиубли ира: «Хйу жагъил адамригу, хѐд цѐахли ахѐнну иша тѐашизурли халкълис уркѐцилавиубли адамтази тиладивикѐс? Арукъенгу хйанчи бара, ара-сагъси адам леврину». Дурибти гъайличив тѐашизесра хѐйѐубли илала вяхъла тудяхъира. Дила мякъла юлдашунира бакѐиб, илданира илис дила шали гѐеббуцили гъай дуриб. Тамашаласи анѐбукъ нушани барибси деклар ахѐн сецад убяхъси биалра ит дурхъяни барибси сабри. Итини нушази ца гъайра чархѐбатур, ит лехлири, амма хйулбазирад биса гурдикѐуллири. Ну ил секлайчив тамашавиубра, ит набчив халаси, тазаси, жагъил дурхъя леври, нуни итала вяхъла тудяхъибхѐли ит набчи вирхъур или гъанбикѐири, ил биалли висули сай. ► 6

Марлира нуша ил заманализир х'ердирулра!

Нушала Идбагли ☞ Къямала барх'иличила бурибх'ели, Ибн Мас'удли Идбаглизи ☞ х'арба-иб ит барх'ила лишанти лерал. Идбагли ☞ илизи илди дуриб. Нушабра ихти дагъес х'яжатбиркур нуша сегъуна заманализир х'ердирулрал багъес багъандан.

Идбаг ☞ вик'лар: «Бишт'лати гъимини бир'цур», ишбарх'илизиб нушани чебиуллира, г'урти адамтачила гъайх'едик'лах'еллира, бишт'латала чула бег'тала шулгиб сегъуналра адаб агарбиубли саби, гъар барх'ила мерлаб нушази телевизорличиб чебиахъули саби дурх'инани бег'ти кабушибти, хъулразибад дураибти, телевизорлизиб х'едик'лах'еллира, бухънабала хъулах'и дукъах'елли илди диц'или сари дурх'инани лайбакибти бег'тани.

«Заб дуц'лардирар» - г'еркъали х'ядякъи нушала халабег'тала замана касах'еллира, дуц'арти заб сегъуна диэс дирутилра бек'изи х'якъи, ишбарх'и биалли «кислотный заб» чинаралра кадиркули сари, илди чисалра тамаша дилзули ах'ен. Дуц'румла аргълизир кадикибти забли ц'уба къел далтули сари, илди заб веранира, химиялира диц'или сари.

«Вайти адамти имц'лабирар» - Иракъ, Палестина, Сирия, Украина ва царх'илти шагъурти ишбарх'и дургъ-бази г'еладикили сари. «Дявти», ибси гъайли адам урк'улх'ахъуси сай, амма ишбарх'и дявтазибти адамтала урк'елци агардешлис дазурби агара. Душмантази бикибти г'яйг'иб агарти халкъ, бек'лес хъулбик'ули саби. Сириялизибти халкъ къакъурбазибад башух'ели чучи бомбаби алаварили башули саби, рахли душмантази бикалли чузибад сабил бек'лес багъандан сенах'енну илдани чедиахъути г'язабти чесесличиб илдас бек'лес гъалабли саби. Илди г'язабтазибтала луг'илизиб бишт'лати, бунагъ-балагъ агартира леб.

«Бархъдеш буриси къянакарлизи халвиру, къяна буриси мар бурисилизи халвиру».

«Къямличибадли (тарелка) ихтилатбик'лар, гъамдешла ургала белхъан», - ихти гъай Идбагла ☞ тамашала муг'жизатуназирадли сари, х'ерагъу, азирти дусми гъалабал Идбагли ☞ бурули саби халкъла ургар спутниковый тарелкаби дак'удирни. Илдани гъамдешла ургалара белхъан или бурули саби, дек'арти гъайли буралли, илди хъули каби-или, спутниковый тарелкаличибад телевизорличиб х'ербик'лар, ва телефонтачибад зянкъбик'лар, цаличи ца х'ебашар, гъамдеш хъумирту. Их сек'лал тамашала ах'енну гъат'и?!!!

«Пачни бетарар бег'лара вайти, базурти дузахъу бег'лара убях'итани», - г'ях'си пача, халкъличила пикривик'уси пача рахлира чеваэс агара, че каталлира сунела кисаличила сай пикривик'уси, халкъличи чисалра къулукъ агара. Пачадеш багъандан, бек'деш багъандан кабурушули саби, ахирра ита абиуту бег'лара вайти, рушбатчиби бетарули саби.

«Мижитунни жагадирар, халкъла урк'ибни жярагадирар», - илра нушаб тамашала анц'букъ ах'ен, чина х'ердизах'елра жагати, халати мижитунни сари амма илди дац'ли сари. Дискотека, музыка, держ, кальянти, хъунул адамти лебси мерани диц'или, мерани агарли дирар. Илдачила гъайх'едик'лах'еле, къадни къадидеш багъандан бургъули саби, х'ядисуназиб бурукъира, Къямала барх'и бег'лара халаси г'язаблизиб г'ялимтира-къаднира бирар, халкълизи амру бирули чули х'ебирути.

«Бусурман адам г'ежаличивра увях'ли вирар».

«Мурул адамти мурул адамтачил барх' ухъала кабилхъан, хъунул адамти хъунул адамтачил барх' кабилхъан», - гъар барх'и чедиахъули сари гей-парадуни ва царх'илти, х'ятта имц'алинти пачалик'уназиб къайг'илизиб саби мурул адамтала



мурул адамтачилти мукъи асударес, илкъайдали хъунул адамтала хъунул адамтачилти. Мурул адам мурул адамличил варх'икни Европпала модализи халбирули саби, х'яттара бусурманталайзи халдарибти пачалик'уназир, илдигъуна ихтилатунаспун лайкъдарибти ихтилатунала интернет-сайтани лер, илабра мурул адамтани чула г'явратунира гъаргдарили суратуни кайхъили, цаличил ца зинала ихтилатлизиб саби.

«Халкъли чебиу жагъил адамтала халаси мас-давла лебни», - масала Цукерберг 30 дусра виубли ах'енри мулти миллиардер ветаурх'ели.

«Дунгъала дарибти делхъан, цивилизацияни дунгъа белхъан», - нушаб илра тамаша ах'ен, ишбарх'илизир кадикибти дявтани цех'наб шагъурти дирг'дарили, делхъули сари.

«Музыка дирхъути сек'лал адамтала бук'рачир дирар», - гъанна х'ердизирая, гъарил к'иэси жагъил адамла бек'личир лих'бази хъяч'дарили наушникуни сари, илдазибадли далуйтачи лех'ихъули. Тамаша ах'енну, ихцад дусми гъалаб Идбагли ☞ балуллири халкъла ургар ихтигъуна сек'лал г'инт'идирни?!!!

«Дахъал ярагъ чедиу, ярагъла бег'и адамти чебиу, халкъ цаличиб-ца дукарбирх'ур», - дурала пачалик'уналайчила гъайх'едик'лах'еле, ч'янкли нушала пачаликъла дух'нар, телевизорличир сецад передачаби лерал халкъ дукъарбирх'яхъути, «Камеди

клуб», «Камеди батл», «Стенд апп», «Кривое зеркало», «Ералаш», «Смехопонарама», «Аншлаг», «КВН» ва дахъал царх'илти, ихти лерил передачазиб цабех'и адамти дек'лартачиб дукъарбирх'ули саби, иличибли халкъра дукъарбирх'ули саби.

«Зинала бишт'лати дак'лубирар», - ишбарх'и Америкализи 50%-личиб имц'али бишт'лати зинала саби, илкъайдали г'урти пачалик'уназибра х'ятта Россиялизибра.

«Адамтала урк'лабазни дунгъаличирти дявти-къалмагъарти чедиахъу къалтингъунализир», - гъанна кайсехе нушала телевизорти, гъачамличи-гъачам илди халадик'ули сари ва дук'улдик'ули сари, цадех'и телевизорти, чусра «ЖК-плазма» дик'ланти къалтинван дук'улдик'ули сари, къалтинван луцрачира ч'ярх'ихъули сари. Илкъайдали сари шайт'лай адамтала урк'ибни дел-

хъуси чузи дек'лар-дек'ларти балагъуни, дунгъаличирти зулмурти, бек'кни чедиахъули. Адамтасра ихти зулмурти г'ямрула тях'яр-къайдуртачи цугдиркули сари, илдара илдаци бурсибурули саби.

Идбагли ☞ г'урра буриб: «Жагъанабла ц'ализиб нуни к'ел журала адамти чебиуллира. Адамти бирар, чузир г'емх'ела къуйрукъунигъуна г'ярчамагуни дирар, илданира илдачибли халкъличи зулму биру. Г'урра бирар хъунул адамти, палтар чебли хъалли ч'янк'лути, саби башух'ели вяшбик'лар чучи х'ербик'лахъес багъандан, илдала бук'ри к'ел горбла дег'ти валрибалагъуна дирар».

Илди валриби ит заманализир машгъурти ах'енри, сенилра Идбагли ☞ их бурули саби, марлира ихти валрибала суратуначи х'еризурли гъанала хъунул адамтала къамабачи х'ерикали цагъунабти сар, сегъуналра дек'лардеш агарли. Илдачир палтар лер амма лертигъунара ах'ен, лерил къаркъа бирк'анти, къаркъа кам чебиули саби, палтар диаб-х'едиаб бек'сурдеш агара. Пемх'инала къуйрукъунигъуна г'ярчамагуни гъарил миличала някъбазир лер, илданира илдачил халкъ т'ут'у-къякъя бирули саби.

«Халкъ держли бужар, амма илдас дек'лар-дек'ларти уми дедлуга», - марлира ишбарх'и держла агарти журала уми агар, амма илди лерил цадех'и нажас сари.

Марлира Идбагла ☞ гъай нуни х'ушачи даахъира, х'ушанира х'ушаб дигантаци даахъая!!!

Дурхъаси Аллагъ ☞ Кумекх'ейэсара

Макка – Мадинализи гъижра барес. Идбагла ☞ х'ябличи зиярат барес. Набра Идбаг ☞ шафаг'ятли виахъес. Дурхъаси Аллагъ ☞ кумекх'ейэсара.

Кяг'ла – алав г'лаваф барес ласухъес. Ил х'яжарул асвадличиб байдарес. Байдарес х'ебикалли, някъ къячагес. Дурхъаси Аллагъ ☞ кумекх'ейэсара.

Г'ярафа дубурличиб чевях'ухъес. Някъби гъаладуцили балга барес. Набчирти бунагъунира камдарес. Дурхъаси Аллагъ ☞ кумекх'ейэсара.

Къаркъуби иргъуси мерличиб укъяс. Къаркъуби игъубли шайт'ан зигарбарес. Г'ямрулизиб шайт'ан разих'ебарес. Дурхъаси Аллагъ ☞ кумекх'ейэсара.

Ил зам – замла г'инизличиб гъамиеэс. Илди дурхъати шинничиб хупикес. Цайналра илди шинни дях'и-някъ дирцес. Дурхъаси Аллагъ ☞ кумекх'ейэсара.

Убк'уси аргълизив милиг х'ейахъес. Набзи лаилагъа иллалагъа ахъес. Шагъадатла калимара бурахъес. Дурхъаси Аллагъ ☞ кумекх'ейэсара.

Израг'ил вак'али дила рух'и асес. Дила рух'и ахиратлизи ардухес. Наб бек'кала къут'к'удеш гъамадбарес. Дурхъаси Аллагъ ☞ кумекх'ейэсара.

Вебк'или ну х'яблизи кайхъибх'ели. Гъангуз, къаркъализи ну гъяжх'ерахъес. Ил ц'ябси х'ябра шалали баргахъес. Дурхъаси Аллагъ ☞ кумекх'ейэсара.

Мункар-Накир бех'ибхъалли хъарбик'ес. Вишара нуни илдас жаваб бедес. Илдас жавабтачи ну вархъизахъес. Дурхъаси Аллагъ ☞ кумекх'ейэсара.

Сират'ла гумиличив къардх'евхъахъес. Лямц'ла шалаван ну шалг'евухъахъес. Жагъанабла ц'ализиб ках'ейкахъес. Дурхъаси Аллагъ ☞ кумекх'ейэсара.

Парсикъ агар умц'анти кадихъалли. Вайти-г'ях'ити г'ямулти дит'лакахъес. Дила г'ях'ити г'ямулти дек'диахъес. Дурхъаси Аллагъ ☞ кумекх'ейэсара.

Бек'кибти халкъ миц'ирбируси барх'и. Букибх'ели мях'шарлизи кайзахъес. Г'яврат к'ап'ли палтарличил айзахъес. Дурхъаси Аллагъ ☞ кумекх'ейэсара.

Ц'ала малаиклизи ну чех'еваахъес. Жагъанабла ц'ализиб лайх'евакахъес. Алжанала анхълизи арукахъес. Дурхъаси Аллагъ ☞ кумекх'ейэсара.

Г'ях'си бирахъес вайси х'ебирахъес. Дунгъаличир дархъилии г'ямру дерк'лахъес. Набчи хъарти паризаби дарахъес. Дурхъаси Аллагъ ☞ кумекх'ейэсара.

Лебил бусурманти пикрибухъахъес. Чузи бунагъуни дарх'едарахъес. Х'ялал-х'ярамсира дек'ларбирахъес. Дурхъаси Аллагъ ☞ кумекх'ейэсара.

Уркалунти дех'булти дарахъес. Паризала дубуцури черахъахъес. Набчиб чебла лебсила чарбарахъес. Дурхъаси Аллагъ ☞ кумекх'ейэсара.

Цабех'ити хъулбик'лар мургъи-арц дучес. Цабех'ити хъулбик'лар х'якимдеш дучес. Г'ямарх'яжила хъул Алжана сархес. Дурхъаси Аллагъ ☞ кумекх'ейэсара.

МУСАЕВ Г'ЯМАР-Х'ЯЖИ Г'ЯЛИЕВИЧ

Ну бусурман сайра!

Нушани дагъистайзиб чизи хъарбаахлеллира се динла саю или, ну бусурман сайра или иру. Ил дебали гялхси саб, Аллагъ-личи шукрура биаб нуша бусурманти сарнилис. Амма нуша шагъарлизи дурадухъи бусурманти чебаэс умцахлелли илди дебали камли ахли лебтигъуна ахлен. Сен ну или виклусирав? Шагъадатра бушили, бархилис шелра дехлбалара дирули, ахъри баклалли хляжлизира арякьи, лебли биалли закят бедеси мас закятра бедили, Рамазан баз дуббуцурира дурцуси адам бусурман ахлену? Ихти суалти даклес асубирар. Илра бархъси саб, илди дируси адамлис бусурман ахлен виклес хлейрар, амма нушала дин илди шелра бутлалчиб кабурухуси ахлен. Ислам лерил нушала гямру сари, гъарил нушала баркъудилизиб Ислам лебси саби. Дехлбайзивра бусурман, ихтазивадли дураухъунхлеллира бусурманли виэс чебла саб. Нушаб бусурманти сегъуна бирарал багъес ца хабар бурехле.

Дягъватла агълу, дягъватли Бан-гладежлизи арбякъунхлели, илди ца мерличиб тлашбизур. Бангладежра дебали мискинси пачаликъ саб. Итар адамла хъулри, луцрира, хъалчра биалли, давлачевсизлизи халвируси сай. Беркеси агарли бубклути бирар бахъал. Чучи дягъватли баклибти адамти чебаибхлели, илавси ца ваклили виклар набчи да-



ширая къацли дукес или. Илли илди сунечи арбукили, жагали устулра белши, гялхил къацли бахи, бужахъили белкъахъун. Баклибти гялхилазидадли цали хъарбаиб, хлуша дебали мискинти адамти леррагъу, хлуни нуша ишкъяйдали дахес секъяй-

да виубрив или. Ит адам виклар: «Нуни хлуша даклили чедаибхлели, нуни арбукили дила хъалибаргъра, нунира хли дедира, ихти арцлис нуни хлушаб беркесира асира». Пурра хабар бурули саб, илди дягъватла агълуличи ца адам ваклили виклар, вари хлуша

къацли мадукудая, нуни хлушаб беркеси лебхис, нуни гялхлядеш дарес дигуллира или. Баиб хлери, ил агара, баиб дакъа ил агара, бархли ихъули саб ил агара, сабира гушбиубли себиалра асахъес цагъунабси базарличи вархъес балбизурси заманализив ит адам ваклиб, ва виклар: «Хлуша гъалар дукенная, хлуша гушли дургудая, гур нуни дла гурзу бурисра». Илди буки белкъун. Пур ит адам виклар: «Нуни хлушаб беркала барес узуси заманализир дила хъунул ребклиб, наб ит бекларес хляжатлири, нуни ит рирцира, кайфайзи руцира, гур хлушаб беркала барили иша хира, гъанна биалли арякьи хъунул хляририхъисра». Хлерай динла узбира, рузбира ихтира бусурманти саб, нушара бусурманти сарра. Ихти секъяйда хлербирулив, нуша секъяйда хлердирулирав?

Васият барес ахъри лебсини камсилра хлебарили камалаб!

Идбагла хлядисунала цализиб бурили саби: «Васият бареси лебси бусурман адамлис, цахнабъахъили хлядурси васият агарли клел дуги дерклес асухлебирар».

Васият гъарли-марсилези халбируси саби, эгер ил балугълавайбси, лагъдешлизивад азадси адамли барибси биалли. Васият марсиахленсилези халбируси саби ил дагъриагарси, гъапулдешлизивси адамли, виштласи дурхляли, лагъли барибси биалли. Васият барес асубируси саби убкуси бархли лебси лебилра масла хлябал бутлала ца бутлацун. Васият белгиси адамлис барили биалли, ил адам вегли ветаруси сай «Наб васият барибси лебдеш нуни наб къабулбирулира» или глергъицун. Эгер ил сунес васият барибсилезивад гелумилзули виалли, лебдеш вебклибсила букъуртас кавлуси саби. Васият белгили ахленти адамтас барили биалли, масала, или виалли: «Иш нуни мискинтас васият бирулра», илхлели илди мискинти лебдешла бегти бетарути саби васият барибси вебклибмад ва илдачиб чебси ахлен «Иш лебдеш нуни къабулбирулра» биклес. Васият селичилбиалра шартли бирахъес асубируси саби мицлири левалли яра вебклили глергъи, масала, васият бирусилези эс вирар: «Хлясан Пумарла юртлизиде ацлалли, ну вебклили глергъи, илис нуни 1000 къуруш васият дирулра. Васият дарес асубируси саби белгиси лебдешцун ахленну, кайсути (селизирад-биалра) пайда, масала: «Нуни Хлясайс пулан тукейзибад башуси хайри яра илала бутла васият бирулра». Васият бируси замана агарси себиалра васият барили биэс бирар, масала, адамли васият дирули виэс вирар галгубачир даклайчи илдачир ляркъути цедеш: «Нуни иш галгала

цедеш Ибрагъимлис васият дирулра». Васият барес вирар гъачамлис сунела битлак, къадар белгили ахленси лебдешра, масала: «Нуни дила къа бурхлелизирти ниъ васият дирулра». Васият дарили диэс хледирар пайдаладарили диэс хледирути нясти секлал, масала, чягъир, цура ва цархилти. Васият диннизивад гелумизурси адамли булан барес вирар. Васият барес вирар букъурлис, эгер ил барахъес цархилти букъур-



ти къабулбиркули биалли. Дурхляла канилизив левалси дурхлялис булан лебдеш васият барес вирусилези сай. Эгер адамли себиалра васият барили виалли ва илала глергъи илизивад гелумизурли виалли, «Дила васият нуни булзулра» или, - илхлели васият уббирхъуси саби. Сунес себиалра васият барибси адам ил васият барибсилезив гъалав вебклалли,

илхлелира васият уббирхъуси саби. Эгер ил васият барибсилезив къанни вебклалли, амма «Нуни васият къабулбарира» айчи, сунес васият барибси букъурлизиб ихтияр лебси саби васият бируси секлал къабулбарес яра илизивад гелумизес. Суннализиде халбируси саби сунела чеблума чардарахъес васият барни, илкъяйдали шаригъли иличи чердирахъути секлал тамандарни. Васият таманбарахъес хъарбарибси адам

вебклайчи къабуликни. Гъарилла васият бирусилези ва ил таманбирусилези ил барес гелумизесра имкан лебси саби. Илала дурабад хлисаблизи касили биэс глягъисилези саби, васият бирусилези лебдеш (хлябал бутлала ца бутла) чеблума ахъили глергъи калунси биэс глягъисилези саби. Лебилра лебдеш чеблума дедес биули хлебиалли, васият таманбируси ахлен. Адамли сунела уркила жи хлясибли дирути вакъфу, садакъа, цархилти сай гляхлулалли дирути секлал лебилра лебдешлизирад дирути сари. Эгер илини ил бирули виалли вебклес замана байбси замана, илхлели харжани лебдешла хлябал бутлала ца бутлализирад дирути сари, хлятта васият барибси лебдешла хлябал бутлала ца бутлализиб гъатлира халаси биаллира.

Амма васият ибси девла бухнаб декларси мягъна иргъути бахъал леб. Васият члянкли хъарбаркъ саби, гелаб батес мас агарсилезибра ит чебла ахлен, сенахленну 5-эси халиф Пумар ибн Пябдулгъизиде убклухлели илала маслизибад сунечирти палтар ахленси силра аги. Васиятлис бучили мас батахъес хъарбируси мер лебси ахлен. Пурра халаси анцбукъла секлал саби, адамли сай мицлири левалли лебил сунела мас-давла дяхли-рурсбас бутли саби, сайра илдала хъулразив хлерирули сай сунела сягъат баклайчи. Иллинира васиятлис сар или сунес геларад дегъахъес арц далтули сари, илди арц ит вебклибхлели хлябал бутлала ца бутла ахленси букъуртас аркъан, идала ихтияр агарлира иди арц дегъес чизибалра ихтияр агара.

Нушала заманализиб биалли глядатли бетарули, васият кахлебихъибсила садакъара сайсули ахлен, ил халаси заа саби, асухлебируси.

Аллагъли нушаб кумек бараб бархъси бархъли чебаахъаб! Амин.

Ибн Синала диета

Дулелла, желчный пузырь, почка, поджелудочная железа, изайс сабабиси беркеси.

Иш диета маслигатбирули саби Абу Али Ибн Синани, гярус мезли сунесра биклар Авицена.

Ибн Сина аклубсири 980 дуслизив Бухарала мяглабси Афшана биклуси шилизив. Жявти дусмачивадал ил белчудилизи мурхвикибсири, ва деклар-декларти гилмуртазив пагму чевси виштасили увухун. Камти дусмазибал илини Къуръан уркиличиб бяркусири, хядисла, фикъгила гилмуртазивра багъудичевси ветаурсири.

17 дусли гямруличивси дурхля лебил Бухаралис машгурвиубси тухтур ветаурсири. Ил живарисири Бухарала пача Абу Мансурла кялгялава захъес. Бахъал тухтурти балбизуртири чула пача араварес амма чилилра илала изала арабарес хлебиуб, Ибн Синани биалли сегъналра кыян агарли, камси заманала бухнаб пачала изалара баргили ит арабарибсири. Илис дахъал мургъи-арц, савгъатуни дедлугули лертири амма илини илди силра сахлесили пачала библиотека пайдалабарнилис ихтияр сасибсири, илра ит заманализиб Средний Востоклизиб беглар халаси библиотека сабри. Илини дахъал жузи делкунтири, илдазирадли цаэсти 17-18 дусли гямруличир делкисари. Илис биклугири тухтурдешла дудеш или.

Ихцад жагаси гямрула гъуни мурталра гярли башули ахленри, илала



гямрулизирра гъунчир кыяндешуни кяршидикиб. Дахъал дусмазив ил ца шагъарлизивад цализи вачули калун. 1015-1024 дусмазив ил калунсири Хамаданла шагъарлизив, илавра илдала пача Шамс ад-Давла араварнилис илис визирла хянчи бедибсири, сенилра ил бархъагардешлизи викили илав туснахъла ухнаибсири. Амма иларра илини дахъал жузи дураиб, ва хляжатбикитас кумеквиклули калун. Ишбархилилизирра тухтурта-

ла имцалинти жузала убахъала Авицена сай, имцалинси тухтурдеш итизибадли касибсири, сунени биалли тухтурдеш Къуръайзирадлира, хядислизирадлира дяркюрсири.

Ибн Синани маслигатбарисби, дебали пайдаласи диета:

Савли, секлал беркайчикани бацли лебалли (5-6 сягъатличиб) 1-2 столовый гулса муриси гранатла деркни.

Иди дерки гьегъи 1-1,5 завтрак биру (Савли 8 сягъат дикайчи секлал беркни дебали гялхси саби, гьатлра жявли беркали гьатлра гялхси саби, амма 8-ла гьегъи кяркъайс зарал саби, беркунсилизибад пайда хлебарар).

1. Хапускала шин – стаканла 3 бутлала 1 бутла.

2. Хинтлена гьегъела шин - 1/3 стаканла.

3. Набадурала шин – 1/3 стаканла.

Гьудурдалири, беркеси беркес 20-30 минут гьалар дужа.

Завтрак

Овсянкала яра гречкала яра декларти анклурбала каш шинличиб барисби, яра творог вараличил гьудурбарилли. Асубирар творог хлунтлена яра цудара смородиналичил. Вараличил яра лимонличил чай.

Обед

Обед барес 20-30 минут гьалаб хапускала, гьегъела, набадурала шин дужа.

Беркесилизибад овощунала нергъ.

Илди нергъ диру:

Руржути 2 литр шинлизи лайдиклу 2-3 картошка, 1-2 набадари, байхъала хлунтлена гьегъела, 1-2 болгарский перец, 1 жерши, камси биалра хлунтлена хапуска, 1 памидур, пастернакла мягли, петрушкала мягли.

Растительное маслолизиб бибгянбарисби жершила 1-2 бекл, ва 1-2 чайла гулса томатла пастала дуцла ва нергълизи дархиу. Цудара перец веглис гягъамла кьадар, нергъла удибси ца гяшбарилли 7-10 минут руржахъу. Далкъаэс 5 минут лералли дибгяндарибти петрушка, укроп, сельдерей дархиу.

Адам манкъавтази викили изули виалли нергълизи дархиу хлунтлена перецра, ца хлебелхунси гидгарира.

Дьгъла беркесилизибад асубирар белхунси дь, тефтелти, голупцы, манты, жершиличил белхунси дь, балихъ.

Вараличил, лимонличил, цударара, хлунтлена смородина дархаибти чай.

Ужин

Завтракла яра обедла калунти, къабакълизибад барисби чидилра беркеси, белхунси картошка, камси кусок зелахлебарисби нусила. Вараличил ва лимонличил чай.

Аллагъли   гьариллис арадеш бедаб! Амин.

Унра дешла хлекъ жугъутла гьалабра бихлибси

Бурули саб, Дурхъаси вали Малик ибн Динарла унра - жугъутли вири. Ил жугъутлира сунела къям - клуцул, тлялхяна, палтар ицуси секлал Маликла лацличи гьамбикахъи барисб.

Лацра буркъа, бурдиси сабри. Илинира хлябцдеш тлашули ахленри. Илкъяйдали Маликла хъули унрала лерил нясти шин духнадулхъуллири. Илисра гьар бархли сунела хъали умубирес хляжатбиркуллири. Амма Маликли унрализи силра балахъули ахленри. Лехкахъили илала няс умудируллири. Ит жугъутлра, гьар бархли сунечирад

дашути няс умудирули ца гъайра хлейруси унрала хлекълизив урузиубли хъарбаиб: "Я Малик, нуни хед сецад зарал бирулирал, хлу биалли лехкахъили, сабур бируллири". Илхели Малик ибн Динарли Идбагла   гъай дуриб: "Набзи Джабриягил малаикли унрала хлурмат бирниличила гьаман бури, дила пикри алкес бехлибхъиб дила масла бутлара унраличи аркъанара или". Их бакъибси жугъутли клантвивакили, сунени дарибтачивадлира пашманвиубли, шагъадат бушили дин чесиб. Ит бархлила гьегъира калунти гямру гялхси бусурман виубли дерклиб.

Идбагличи   гьамвиубси

Ца бархли нушала Идбаг   сунела асхлябтачил варх мижитла кайили леври. Мижитла ухнаухъун ца жагъил дурхля. Идбагли   илизи салам бедиб, ва ишараличил сунечи гьамвиухъубли, сунела мякъла каватур.

Идбагли   ил жагъил дурхля Абу Бакрличивра   сунела мякъла гьамварили каватур. Ца камси замана дикили гьегъи Идбаг   Абу Бакрличивхли шурухъи дугъавизур: «Я Абу Бакр, Нуни ит дурхля хлечивра гьамварили дила мякъла каватурра, сенахленну ити-

ницад набчи салават буршуси дунъяличив чилра агара. Итини гьар бархлила савлира, бархлехъра ирули сай: Аллагъумма салли гяла Мухяммадин биглядади ман салла гялайгъи, ва салли гялайгъи кама амартана биссалати гялайгъи, ва салли гялайгъи кама янбагъи салата гялайгъи. (Я Аллагъ, Хлунти Мухяммад салават вара, чумли салават вирули виаллира итцад. Я Аллагъ, Хлунти Мухяммад салават вара, Хлунти нушази салават вирахъес хъарбарискикъяйда. Я Аллагъ, Хлунти Мухяммад салават вара, Сай салават варес хляжатси жураличил.) Их бучлини багъандан Нуни ит хлечивра дила мякъла каватурра».

Аллагъ   багъандан бузути

3 « Марлира ну ита укъяс къас барира. Дучили дила палтарра ну ита ваклира. Шилизив ит мадрасалис вахъли къяйцвиклес глягнинхлебикиб. Шила ца дублаб, жагаси, шиниша анхъла байлаб халаси, цуба мадраса лебри. Илаб бахъал бучантира лебри, ну илдани уцира, наб мерра гиб, барх бучести шарикунира чебаахъиб, цаэси бархли нушаб дарс кабихъес ца адам ваклиб. Илала жагати, цуба дяхлра лерри, жагаси муцурра лебри, набчи хлерили ил гинчлвяхъиб амма силра хлеиб. Нуни илала дяхли далуллири, амма якъинли че саял хлебагъурра, заманара бикибхели нуни илизи ил секлал бурра. Итхели ил виклар: «Дила узи, ну улгули уира Аллагълизи   хлела уркила дьгъватла агълуличидиги имцабарахъес Аллагълира дила балга къабулбарисб. Иш мадрасалабра заяли замана мабуркид, ца биалра секлал багъес къяйгъи бара, Аллагъли   хлу гевуцаби».

Итини иди гъай дурули левалли нуни итала бисани гурдиклути хлулби дагъурра.

Ахлerti узби, динла агълу убахъимабиридая, илди нуша багъандан жан дедес хлядурти саб.


Нуша ардякунра, лебил нушала сафарла гъуйчиб дила уркилаб халаси дехлбри, ва сурсла гяндларти биса аркъули ахленри.

Дикиб дахъал дусми, нуни дин бяркъес къас барирра сегъунти кыянти кяршидикаллира. Нуни дила хъалибарглис яшавра кабихъили, камси биалра секлал багъес къасличил мадрасала укъяс пикрибарира. Ну ахтардивиклули, ца валусини ца шилизисби мадраса маслигатбарисб. Итав гялхси мударисра, гялхити тяхляр къяйдуртира саби-ра мер леб или буриб. Нура

БиштIати гъубзни

Пионер Марат Казей

Хапли, хабарра агарли белорусияла ванзаличи дявти дакиб. Сунела неш Анна Александровна Казейличил варх хIеририси виштIаси Маратла шилизи фашистуну бухIнабухъун. Ит дусла гIебшнилизиб Маратлис ушкулализи арукъес хIяжатIебикиб, ушкулализир хъардирути фашистунани чула казармаличи шурдатур. Душманти чебулхъуллари.



ДурхIяла неш Анна Александровна Казей партизантаци душмантала пикруми дурадуркIниличир руциб,

ва халал замана хIедикили Маратли багъур сунела неш, Минсклизир чIархIяхъили ребкIахъни. Душмантацибси гъиминира гIясидешлира дурхIяла уркIи бицIиб. Сунела рузи, комсомолка Адаличил варх Марат партизантаци Станьковский вацIализи арякъун. Марат ветатур партизантала штаблав разведчикли. Ил дигIянали ухIнаулхъусири душмантала гарнизонтахIи, ва иларадли гIяскартала бекIдешлизибтази пайдалидиести хабурти далахъусири. Маратли хибти хабуртачирли партизантани чIумаси план бариб душмантаци чебухъеси, ва ил план хIясибли, Держинскла шагъарлизибси фашистунала горнизонличи чебухъи, тIутIу-къякъя бариб.

Маратли дахъал дургъбазир бутIакъяндеш дариб ва дазу агарти гъабзадеш дурадуркIули калун, ил калун бахъIила заманала подрывникуначил (минаби даргиантацил) варх пуюзла гъундурачи минаби кадирухъули.

Маратли сунела ахир дявиллизиб баргиб, ил ургъули калун бегIлара гIергъиси хIярхIяличи бикайчи, хIярхIуби кадерхурли ца граната калунхIели, илини душманти сунела мякъла гъамбиахъес батурли гIур граната баргаили илдира кабушиб сайра вебкIиб.

Сунела гъабзадешлис пионер Марат Казейлис герой Советского Союза у бедиб. Минскла шагъарлизиб жагыл гъабзалис памятник тIашбатур.

Зина Портнова

Душманти чебухъунхIели пионерка Зина Портнова зуя бикIуси шилизир лерри, ил ила ракибсири каникултаци, ил ши леб Оболь бикIуси станцияличибад гIеркъали ахIи. Оболлизиб акIахъубсири дигIянси, комсомольско – молодежный бархбас, сунесра «Юные мстители» бикIуси. Зинара илар член комитета рариб.



Душмайчи къаршили дарибти чIумати операциябазир Зинани бутIакъяндеш дариб, деверсиябазир партизантала хъарбаркъуначилти кагурти тIингIдирули рири, партизантас разведкали рашули рири.

1943 дусла декабрь баз сабри. Зина хъарбаркъиличирад чаррулхъули лерри. Мостищела шилизир ил предателли душмантас уредиб. Фашистунани жагыл партизанка руциб, илизи цIакъти гIязабти чедаахъиб. Амма риштIаси рурсила жаваб лехIехъни сабри, илала чIумадешра, гъабзадешра, дегIла гIергъитачи бикайчи мутIигIхIеракIесра ибси къас душмантани дячес бирули ахIенри. Ца допросла заманализиб Зинани замана бикибхIели, сунези суалвикIусила тупанг касили андализи игъубли гестаповец кавшиб. Тупангла тIамала бакъили кабинетла ухIнаулхъунси офицерра цаэсиван игъубли кайкахъиб. Зина ребшес рузуллири амма фашистунани ил руциб.

Гъабзадешли рицибси, риштIаси рурси душмантани пикридаресра хIейести гIязабтазир ребкIахъиб, амма рурси сунела бегIла гIергъиси гъигъиличи бикайчи мутIигIхIеракIили, гъабзадешличир калун.

Илисра ватIай бедиб сунела бегIлара халаси у – Герой Советского Союза.

Леня Голиков

Леня Голиков бикIуси виштIаси дурхIя хIерирулри, машгурси Ильменьла шарала кабурхуси Поло бикIуси хIеркIла дублабси Лукинола шилизив. Сунела ши душмантани буцибхIели виштIаси дурхIя партизантаци арякъун.

Гъачамцун ахIи ил разведкализе ваши, ва дебали пайдала диести хабурти отрядлизи дихи. Илала хабуртачирли душмантала пуюзуну, машинти, гумурби, тIутIудири, душмантала складуну цIализи дурши.

ДурхIяла гIямрулизиб дяви кабикиб, сай цайли душмантала генералличи къаршили дураухъунси. ДурхIяни лайбакIибси гранатани душмантала машина баргаиб. Машиналавад вебкIибхIели калунси гитлеровец дураухъун, илала някълаб документунала сумка лебри, душманра тупанглизивад итули вацIализивхI вебшиб. Леня илис гIелавадвикиб. ДурхIя ил душманлис гIелавадвикили километрла гъуниличе гъамли ахъиб, ахирра илини душман кавшиб. Илизибси сумкала духIнар дебали хIяжатти документуну даргиб. Партизантала штабли илди документуну ит заманализирал самолетличир Мо-

сквализе дархъиб.

Илала камти гIямрулизир кайкибти дергъани камти ахIенри! Амма гъачамалра жагыл герой уруххIейубли халатачил варх ургъули калун. Ил вебкIиб Острая лука бикIуси шила удив 1943 дуслизив, душмантачил кабикибси чIумаси дявиллизив.



1944 дусла, апрель базла бекIибхъудлизиб СССР Верховный Советла Президиумли указ дураиб пионер-партизан Леня Голиковлис Герой Советского Союза у бедиб.

Вася Коробко

Черниговщина бикIуси мер. Фронт гъамбиубли саби Погорельцы бикIуси шила мякъла. Фронтла дублаб, гIелабахI башути солдатуну кIапIбирули бургъули ца рота лебри. Бургъантас хIярхIуби дихули ца виштIаси дурхIя леври, илис бикIи Вася Коробко.



Дугелила замана саб. Фашистунани буцибси школализи дигIянали льякъули сай Вася Коробко. Ил ухIнаулхъули сай школализиб лебси пионертала хъули, илабад дурасили пионертала байрахъ фашистунанибад дигIянбирули сай.

Шила дуб саби. Гумила удив Вася лев. Илини дурайсули сай гуми бу-

цахъибти мехIла кадыхъибти, гуми буцахъибти тIулрира дерчурли, бархIи булхъухIейс дигIянвикеки хIерикIули сай фашистунала БТРла декIдешлиуб берчурси гуми къадала кабиркуси тяхIярличи. Партизантани багъур Вася Коробко къиянси хъарбаркъиличи хIядурли виъни, илданира ил душмантала штаблав разведчик вариб. Душмантала штаблав илини цIа билкъули саби, урцул кавдули сари ва гъарил секIал ахтардидарили хIисабдирули сари, лерил дагурти хабуртира партизантаци адияхъули сари. Сенилра душмантани ил уциб. Амма ит дурхIяла гъабзадешлис дазурби кадихъес вирули ахIен. Душмантани ил мутIигIвакIахъиб партизантани дигIянбикибси мерличи саби букахъес, амма илини, ита аркурая или, душмантала полицайти дигIянбикеки партизантаци хIербикIуси мерла киб. Васяни кибти фашистунани цIябси дугилизиб, вацIала байлаб, дигIянбикибти адамти партизантаци халбарили чула полицайтас итес бекIибхъиб, ахирра, фашистунани чула дигIянбикеки засадализибти полицайти ца кахIелахъи къирбариб чулайзибадра бахъал кабушахъиб. ДурхIя биалли вебшили арякъун.

Партизантачил барх Васяни 9 эшелон тIутIудариб, даршлимти фашист къирбариб. Ца дявиллизибра гъабза дурхIялизи душмантала хIярхIя чегили, илала жагати, жагъти гIямру къябдердахъиб.

ДиштIати гIямру деркIибси халаси гъубзалис ВатIай, Красное Знамениела, 1 даражала Отечественной Войныла медальти дедиб.

Ихти биштIати дурхIни-рурсбала хабурти дучIухIели биса хIедакIилира кавлули ахIен, илдала гъабзадешлис дазу агара, ВатIан багъандан жан дедес дурабухъи, бубкIули саби. Бусурманти ахIенгу или гъан-

бикес асубирар, илди биштIати дурхIни сабри, лебил биштIатире бусурманти саби ибси хIядис леб, балугъла биубли, дин чехIесили бекIили биаллира илдала баркъудлумани нушала замана бахъал хала-

ти бусурмантас дарс кабирхъули саби, иди гIярусла биштIатани ВатIан багъандан, чула ванза багъандан жан дедиб, нушани биалли бусурманти сарра или нушала динлис се бедес дирехIе!???



Нушала Идбагла ﷺ узби ва рузби лебтирив?

Нушала Идбагла ﷺ дүлекла узби ва рузби агартири, амма ниъла лебтири. Ниъла узби: Масрух, Хямза бину Пябдулмуталиб, Абу Салама бину Пябдуласад аль-Махсуми (гьергьити келра Сувайбани балхули калунтири Идбагла ﷺ акес авал дус гьалаб), Пябдулағь ибну аль-Хярис, сунелара неш Хялима ас-Сайдия сарри. Ниъла рузби: Хузайфа, Анисат бинт аль-Хярис. Иддира Хялима ас-Сайдия сарри (ар Равзул –унф).



Хьулиб сурат хярамсив?

Идбагла ﷺ виқули сай, суратра гажара лебси хьули малаик хякьян. Ил хядисла хекьлизиб халати гялимти бикдули саб гажани кьараул барнилизиб хяжатдеш биалли ил хярамси ахлен. Суратла мягйнара сунезибадди дяхици кабиркуси, сунес лагдеш дарес кабиҳьибси ханж саби. Ил пикри агарли кабиҳьибси суратлизибад, чянкүси хьунул адамла хебиалли яра ил журала хебиалли силра агара.



Чевла гес гягниси мискин виубли гес вирули хейалли се бирусив?

«Асналь матталиб» бикүси жузлизив, машгурси гялим, Закария Ансарини лүкүли сай: «Сунела мискиндеш кадизахурси адамли чебла гес гягниси виалли, илис гелавад вашес, илизибад чебла галабирес, ил гьяжвирес хярамси саб, сенахленну, чебла чарбарес ахъри баклайчи Аллағли ﷺ илис замана кабизахурли саби. Аллағь ﷺ Кьурьайзив виқули Сай (мягйна): «Чевла гес гягниси кьянтази викали, илала тяхяр кьулайбиайчи замана бедая» (сура «Аль-Бакара», 280 аят). («Асналь матталиб», № 2/186)». Идбагла ﷺ хядислизиб бурули сай: «Мискин адамли гес гягниси чебалис замана гелайзи арбухалли, Аллағли ﷺ сунези, лерил мераначи биуси, Жаганнамла вайси тем хебалаху».

Илбагьандан чебалис дурхъаси гямал саби, сай кьянтази викили, чебла чарбатес ахъри агарси адамлис, чебла Аллағь багьандан хялалбатни, яра илис замана бедни сунела ахъри баклайчи.



Мурул адамлис арцла хьябдурц бихес асубирусив?

Шаригятли бусурман адамлис арцла тўлека ахленсигурси секлал хярамбарибси саби. Арцла хьябдурц биаб, сьгьят биаб, гурра цархил биаб хярамси саби. Ил хярам гьаттира имцабирар, мурул адамли арцла хьябдурц хьунул адамличи, яра капуртачи мешувикес биршули виалли. Идбагла ﷺ виқар: «Аллағли ﷺ лягьну бариб хьунул адамтачи мешувикес бузути мурул адамтира, мурул адамтачи мешувикес бузути хьунул адамтира». Пурра Идбагла ﷺ виқар: «Адам чичи мешувикес узалира, ит идзизвадди витар». Ихала мягйна саб, капуртачи мешувикес узали идзизвадди ветара. Аллағли ﷺ нуша илдазирадди дерцахьаба.



Нушала Идбагла ﷺ цархилти идбагуначивад сегьунти кьиликьуначил декларулхьусив?

Нушала Идбагла ﷺ цархилти идбагуначивад декларулхьахьути дахьал кьиликьуни лерти сари, илдазирад деглару машгурти гьергьити сари:

1. Нушала Идбагла ﷺ - лебил идбагуначивад деглару дурхъаси сай.
2. Ил лерил аклахьубтачи вархьибсири: Адамтачи, жиндрачи ва мицирли ахленти секлачи, цархилти идбагуни биалли, белгити халкьичи бурхьутири.
3. Ил вегла гьергьиси Идбагла ﷺ сайри, илис гьергьи идбагуни бирути ахлен.
4. Илис багьандан ванза умусили бетаахьурсири таяммум дирахьес.
5. Душманти урукьутири нушала Идбаглализибад ﷺ, хятта илди ургаб чебали халаси ургала лебли биалра. («ал Пакьидатул исламийя»).




Веги цайхели чянкүли вашес асубирусив?

Сегьуналра хяжатдеш агарли, веги цайхелира чянкүливиэс кьадагьабириси саб. Амма камсилра хяжатдеш лебли биалли асубирар.



Дазала агарли Кьурьай учес асубирусив?

Бусурман адам лебил заманализив дазайчил виъни дурхъали бирар. Амма дазайчив виэс чебали детарути мерани лерти сар. Илдазибадди саб Кьурьан кайсухелира. Кьурьан сунези бергурси секлайчира дазала агарли кьячикес хярамси саб. Амма веги уркиличир далути аятуни дазала агарли дучес асубирар, някьла кахьесили дазала лерсизиб гьаргьархьили Кьурьайзивад учесра витар.



Гьаргьяла гидгарила бухнаб гьаман хила бертарраг кьаршибиркули бирар. Гидгурира ца тьялхянала духна дялчухели, ца илгьуна хила бертаррагла бег илдази гьудурбирули бирар. Илгьуна гидгари беркес асубирусив?

Гидгарилизисби хила бертаррагла иргьаху илала бухнаб мицираг дакьубиэс балбизни. Илабси хила бертаррагра нажас саби, нажас нушаб Аллағли ﷺ хярамбарибси саби. Ил декларти гидгурази бархьикалли, идира нясдирути сари, идира беркайзи дархаэс асудурути ахлен. Амма ил хила бертарраг гурти гидгуразибад декларабарес виалли, гурти умудирар. Сенилра мяхкамдешлис бетарар, гьарил гидгари деклар-декларси тьялхяналаб бьачни.



Вебкьибси хяриирхьухели хябла гьарил гянзилар Кьурьа сураби дучули сари. Се пайда лебсив илизиб?

Думаириани бурули ишди сураби делчалли «Сажда», «Ясин», «Хамим», «Табарака» ва ц., хябличи 400 малаик кабирули саби ва гьарилла някьлизиб - берклумала бергараг. «Ясин» вебкьибсила дяхла шайчибад бучуси саби, «Табарака» - кьяшмала гьала-

бад, «Сажда» - цархил шайчибад (затылок), «Хамим» - кьяшмала гелабарси шайчибад. Адамтас багьес чебиркур, илкьяйда барни дигеси саби, амма чебси ахлен. Гьалагьала чинабалра шаригятли чебиахьуси чеблибубси баркьуди барес хяжатси саби, илис гьергьи суннатлара.



Идбаглис ﷺ дучути салаватуназибад чидил саби беглару дурхъаси?

Беглару дурхъаси салават – «Салатул Ибрагьимия» салават саби, цархилван буралли, «кама

саллайта...», дехьабизиб, ташагьудлис гьергьи салам бедес гьалаб бучуси («Фатхул Пяляам»).



Узила хьунузирад дазала делхьутив?

Делхьути сар сенахленну узила хьунул мяхрамлизи халриуси ахлен.

Мяхрамти саби, чучил магьар детхерути хьунул адамти.



Жумягла дехьабала хутба агарли детарутив?

Жумяг бархли гьараб мезли, кел хутба делчли чебла саби, илди хеделчалли жумягла дехьабала детарути ахлен.

Рузнама

Май

| дни | Утрений Ас-Субхл | восх. | Обеден. Аз-Зугьр | После-обеден. Аль-гаср | Вечерн. Аль-Магьриб | Ночной Аль-гьиназ |
|-----|---------------------|-------|---------------------|---------------------------|------------------------|----------------------|
| 1 | 02:54 | 04:44 | 11:51 | 15:44 | 18:54 | 20:24 |
| 2 | 02:52 | 04:43 | 11:51 | 15:44 | 18:55 | 20:25 |
| 4 | 02:48 | 04:40 | 11:50 | 15:45 | 18:57 | 20:27 |
| 6 | 02:44 | 04:37 | 11:50 | 15:46 | 19:00 | 20:30 |
| 8 | 02:40 | 04:35 | 11:50 | 15:47 | 19:02 | 20:32 |
| 10 | 02:36 | 04:32 | 11:50 | 15:47 | 19:04 | 20:34 |
| 12 | 02:33 | 04:30 | 11:50 | 15:48 | 19:06 | 20:36 |
| 14 | 02:29 | 04:28 | 11:50 | 15:49 | 19:08 | 20:38 |
| 16 | 02:26 | 04:26 | 11:50 | 15:49 | 19:11 | 20:41 |
| 18 | 02:22 | 04:24 | 11:50 | 15:50 | 19:13 | 20:43 |
| 20 | 02:19 | 04:22 | 11:50 | 15:51 | 19:15 | 20:45 |
| 22 | 02:16 | 04:20 | 11:50 | 15:51 | 19:17 | 20:47 |
| 24 | 02:13 | 04:19 | 11:50 | 15:52 | 19:19 | 20:49 |
| 26 | 02:10 | 04:17 | 11:51 | 15:53 | 19:20 | 20:50 |
| 28 | 02:07 | 04:16 | 11:51 | 15:53 | 19:22 | 20:52 |
| 30 | 02:05 | 04:15 | 11:51 | 15:54 | 19:24 | 20:54 |

Рузнама Мяхьакьалала шагьарлис саби

Рекомендовано каноническим отделом ДУМД для г. Махачкалы

Хурматла узби ва рузби!

2015 ибил дуслис «Ас-салам» газеталис кьулбасбирес даимбиубли саби. Газета кьулбасбарес витар чиди-дигара почтала отделениелизиб. Илкьяйдали Дагьиста лерилра районтазибти нушала хянчизартачибад. «Ас-салам» газета кьулбасбирули, Дагьистайзиб Ислам тинтбирнилизиб хушалара пай кабирхьулра... Кьудратла Веги Аллағли нушала уркибазиб иманра, Исламра, динничиги дигира имцадараб. Дусла духнар дурадулхьути газетабала багьни бузри хясибли дарсдиклар! Дирхулра, нушала бучланти газета агарли кахлевлан.

Хурматла узби ва рузби!

Динничил дархдасунти, «Ас-салам» редакциялизи яра даргала «Ас-салам» газетала редакторличис суалти лердиалли, хушани телефонна иш гьергьиси номер хясибли зянкьдяхьес дирудая: +7 (988) 303 00 08 (Асхаб). Диубсигьуна кумекбирехле, иншаАллағь!!!